

## Brzi vodič za Field Blends

Naslov originala: A Quick Guide to Field Blends

Izvor: <https://www.winemag.com/>

Objavljeno: 06.08.2019. by Shelby Vittek

Prevod: Dragutin Mijatović

Ključne riječi: *vinograd, grožđe, sorta, mješavina sorti, vino*



Getty

Danas se većina miješanih vina proizvodi od grožđa koje se uzgaja na lokacijama specifičnim za sortu. Grožđe se odvojeno bere i fermentiše, a potom kombinuje da bi se dobilo konačno vino. Ali nisu sve mješavine proizvedene na ovaj način. Prije postojanja sortnih vina i modernih mješavina cuvée, postojale su skromne poljske mješavine – smješa sorti u vinogradu (field blends). Ovaj drevni pristup vinarstvu nekad je bio normalan. Iako je danas manje uobičajen, u pojedinim vinskih regijama tradicija još živi. Pogledajmo istoriju i budućnost vina iz smješe sorti na terenu.

### Šta su **field blends** (terenske mješavine - mješavina sorti u vinogradu) i kako se prave?

Mješavine sorti u vinogradu čine kombinacije različitog grožđa - različitih sorti koje se uzgajaju u istom vinogradu, a zatim se grožđe istovremeno bere i fermentiše. Ova jedinstvena vina razlikuju se od tipičnih mješavina kakve poznajemo danas, poput onih iz regiona Bordeaux, gdje se sorte grožđa odvojeno uzgajaju i odvojeno se obavlja fermentacija.

Vjekovima su sorte grožđa gajene rame uz rame u vinogradu. Vinari iz Starog svijeta sadili su neke sorte za zrelost, neke za kiselost, a druge da bi dobili boju. To je učinjeno kako bi se osiguralo da se berba te godine ne izgubi ako bi ekološki uslovi uticali na jednu ili više sorti grožđa. Bio je to način da se održi dosljedan kvalitet mnogo prije nego što je tehnološki napredak to olakšao. U berbi se interplantirano grožđe bere i zajedno stavlja na fermentaciju. Profil okusa ovih mješavina varira zavisno od grožđa sorti koje su u mješavini, ali cijene se zbog ravnoteže, harmonije i složenosti. Za mnoge vinare koji vole da ih prave, mješavine sorti u vinogradu su poseban i ekspresivan način prikazivanja terroir-a vinograda i poštivanja tradicije.



*Vineyards in Vienna / Getty*

### **Regioni koji još uvijek imaju field blends (prave mješavine u vinogradu)**

#### ***Vienna (Beč, Austrija)***

Majka svih mješavina sorti u vinogradu, *Wiener Gemischter Satz* tradicionalno je bečko vino koje se često nalazi u jednoj od gradskih *heuriger* ili vinskoj kafani. Čak ima i vlastiti *Districtus Austriae Controllatus* (DAC), austrijsku klasifikaciju za vino. *Gemischter Satz* mora biti spoj najmanje tri bijele sorte posađene zajedno u jednom bečkom vinogradu.

Proizvođač *Gemischter Satz* kao i *Weingut Wieninger*, *Weingut Zahel* i *Weingut Mayer am Pfarrplatz* imaju obilje grožđa koje možete odabrati. Neke od sorti uključuju ***Grüner Veltliner***, ***Riesling***, ***Chardonnay***, ***Weissburgunder***, ***Welschriesling***, ***Neuburger***, ***Müller-Thgagau***, ***Sauvignon Blanc***, ***Traminer*** i ***Gelber Muscateller***. Nijedna pojedinačna sorta ne može činiti više od 50% mješavine, a treća mora biti sa najmanje 10% učešća



*Alsace, France / Getty*

#### ***Alsace (Alzas), Francuska***

Alsace je nekada imao bogatu historiju mješavina sorti u vinogradu, ali kako je regija počela favorizovati pojedinačne sorte i sortna punjenja, oni su ispali iz mode. Šteta, jer su mješavine regije Alsace nosile slavu i bogatstvo regije od srednjeg vijeka do kraja 19. vijeka. Izvorna praksa za regiju je *edelzwicker* ili plemenito miješanje bila je da se koriste terenske mješavine. Sada su,

međutim, odvojene vinifikacije sve češće. Iako ih je danas teže pronaći, vinari poput *Domaine Marcel Deiss* i *Domaine Schoech* i dalje obrađuju mješavine sorti ***Pinot Gris***, ***Muskat***, ***Pinot Blanc***, ***Sylvaner***, ***Gewürztraminer*** i / ili ***Riesling*** na tradicionalni način.



*Douro Valley, Portugal / Getty*

### ***Douro Valley, Portugal***

Mješavine sorti u vinogradu su značajan element istorije Port-a. Uz više od 90 sorti koje su dozvoljene, Dolina Douro (Douro Valley) je mjesto na kome može napredovati drevna tradicija. U prošlosti su vinogradi na tom području zasađeni mješavinom crvenih i bijelih autohtonih sorti grožđa. Praksa je bila toliko raširena da uzgajivači nisu uvijek bili sigurni koje sorte imaju. Mnogi novo zasađeni vinogradi u dolini Douro sadrže jednu sortu, ali interplantirani vinogradi i dalje postoje. Jedan primjer je *Quinta do Portal*, na kojem se uzgaja i skuplja istorijska mješavina čak 29 sorti grožđa kako bi se dobio stari stil Porto vina. Neke od tih mješavina završavaju u vinima izvan Porta. Vinarije poput *Niepoort*, takođe ih koriste za proizvodnju suvih, crvenih stonih vina, često od starih čokota punih karaktera i složenosti.

### ***Kalifornija***

Napa i Sonoma dom su brojnih naslijeđenih mješavina vinograda koji sežu u kraj 19. vijeka. Većina ih je zasađena crnim sortama, pretežno voćnim ***Zinfandel*** ili ***Alicante Bouschet***, ***Petite Sirah*** za tanine i ***Carignan*** za boju i kiselost. Ove sorte grožđe korištene su za proizvodnju klasične mješavine (field blends) u Kaliforniji koja je ponekad nosila naziv "miješani crnci" (mixed blacks). Vinarije poput *Ridge Vineyards*, *Ravenswood Winery* i *Bedrock Wine Co.* još uvijek traže ove mješavine sorti, dijelom i zbog toga što su parcele prepune starih loza, preživjelih iz ranije ere. Postoji ograničen broj mješavina sorti u Kaliforniji zasađenih bijelim sortama grožđa. Jedan dobar primjer je vinograd *Compagni-Portis* u regionu Sonoma Valley. Godine 1954. posađene su sorte ***Gewürztraminer***, ***Trousseau Gris***, ***Riesling***, ***Roter Veltliner*** i druge sorte, koje nas vraćaju u vrijeme prije nego što su ***Chardonnay*** i ***Sauvignon Blanc*** zavladao tim područjem.



Tasmania, Australia / Getty

### ***Australija***

Uvijek je uzbudljivo vidjeti regiju Novog svijeta koja uključuje tradiciju vinarstva iz Starog svijeta. Regije u nastajanju u Australiji otkrile su ljepotu mješavina sorti na terenu u vinogradu. Za razliku od Evrope, tamo postoje minimalna apelaciona pravila koja diktiraju koje će se sorte grožđa saditi ili koliko sorti se može pomiješati. Inovativni vinari poput *Domaine Simha* i *Sinapius* u Tasmaniji i *Massena* u dolini Barossa Valley (Dolini Barossa) stvaraju novi talas živahnih vinogradarskih mješavina bijelih sorti grožđa kao što su ***Sauvignon Blanc***, ***Chardonnay***, ***Riesling***, ***Pinot Blanc*** i ***Viognier***. Neki od njih takođe spadaju u kategoriju rastućih proizvođača prirodnih vina u zemlji.